



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De falsa interpretatione istius verbi, Fides. tit. 19

urn:nbn:de:hbz:466:1-29452

Christus & fides. Postquam venerit illa, ex operibus legis facit nunc opera gloriæ, quibus nunc Deū laudamus & glorificamus, per quæ etiam donationem vitæ æternæ apprehendimus.

DE FALSA INTERPRETATIONE ISTIUS VERBI, FIDES.

TITVLVS XIX.



Primò, hoc verbum fides, deprauant & adulterant sectarij, vnde perniciosus error sequitur. Nam vbiq; interpretantur hoc verbum Fides, pro eo quod est, fiduciam habere in nuda misericordia Dei: & quod fides solùm respiciat ad nudam misericordiam, & ad nullum opus, sine omni additione operum, vt hic qui sic fidei, dicatur habere fidem, & esse fidelis, sicut latro in cruce fuit, Lucæ 23. Et publicanus percussus pectus, Lucæ 18. Qui autem etiam simul respicit ad opera, hic non est fidelis, non habet fiduciam in sola misericordia DEI, sed est sanctulus, id est ex operibus suis vult fieri sanctus Reijcit Christum, Galatas secundo, Si ex operibus est iustitia, &c. Ideò nihil est cum operibus tuis, solùm confide & spera in nudam misericordiam Dei, & crede in Christum, saluaberis. Sic iam docet mundus fidem, solam illam fiduciam ad nudam misericordiam, esse dicit, fides est fiducia consequendæ misericordiæ diuinæ propter Christum.

Secundò, huiusmodi sensu interpretari fidem, derogat maximè bonis operibus, & facit carnales & seculos homines, & est in fundamento falsum: nam Paulus docens nos ad Hebræ. 11. quid sit fides, duo simul tangit: Primò quòd fidem vocat hypostasin seu substantiam, id est, fundamentum supra quod quiuis alacriter ædificare & consistere debeat. Ideò dicit,

dicit, fides est substantia, basis seu fundamentum rerum sperandarum. Secundò addit, quòd sit firma spes & fiducia ædificandi super illud fundamentum, & in bono perseverandi. Exemplum, seruus faciens voluntatem Domini sicut tenetur, hic habet gratiam & fauorem apud Dominum: Et hoc vocat Paulus hypostasim, sicut etiam Christus dicit Matthæi septimo. Qui audit verba mea, & facit illa, hic similis est viro prudenti, qui ædificat domum suam super petram, & si venerit imber, & flauerint venti, nihil nocet, &cæt. Alterum vocat Paulus spem & fiduciã, vt quandò priùs fecero, quæ iubet Dominus, tunc habeo fiduciã in Dei misericordiã: & fecero bona opera, & ædificauero supra fundamētum &c. Hęc est vera fides, & sic duo complectitur fides, primò fundamentum, id est, obedientiam verbi: & postea fiduciã habeo consequendę misericordię propter Christum, Hęc fides est vera, sic oportet priùs facere, quæ Dominus iubet, & postea confidere in Dei misericordiam. Non confidere sic in nudam Dei misericordiam absque fundamento operum, vt nugantur sectarij. Sic 1. Corinth. 3. Paulus inquit: Fundamētum aliud non potest poni, præter id quod positum est, id est, Christum in quem credimus. At quisque supra hoc fundamentum ædificat, alius aurum & argentum, alius lapides preciosos &cæt. Et vniuscuiusque opus probabit ignis, & Ioan. 13. In hoc & vos discipuli mei eritis si feceritis, quæ mando vobis, & 1. Ioan. 3. Si cor nostrum nos non reprehenderit, tunc habemus fiduciã ad Deum: & quicquid petierimus, accipiemus ab eo, cum mandata eius custodimus, & quæ sunt placita corã eo facimus, sed Lutheranismus rejicit fundamentum, scilicet bona opera, & solum vult confidere ad nudam misericordiam. At Christus inquit: Nescio vos, discedite operarij iniquitatis. Isti sunt fatui, qui ædificant domum sine fundamento,

Matth. 7.

E c 4 id est,

id est, volunt confidere nudæ misericordiæ sine fundamento operum, quùm Christus docet, dicens Lucæ 17. Cùm feceritis omnia, adhuc dicite quòd sitis serui inutiles. At illi volunt esse serui vtilis, quùm tamen nihil fecerint. Confitentur se nôsse Deum, &cæt. Tit. 1.

Præterea sic docere, Confide in nudam Dei misericordiam absque fundamento bonorum operum: quid est aliud docere, quàm peccare? Sumus enim tâquã serui conducti ad opera, sicut Christus dicit Luc. 6. Si ego Dominus vester, vbi vestra obedientia? quare non facitis quæ dico? vbi nullo modo significatur, quòd fatis est illa fiducia ad nudam misericordiam, & quòd quanto maior peccator, tanto maior gratia, sicut tempore Pauli etiam aliqui malè intellexerūt: Faciamus mala, vt abundet gratia, Roman. 6. Et iam cum Sacramento Eucharistiæ docetur, quanto maior es peccator, tanto citiùs accede: Sacramenti manducatio & potatio tollit peccata tua: sic illa fiducia misericordiæ nudæ tollit peccata sine operibus &c. Et quid hodiè facit tam insolentes homines & carnales Christianos, nisi quòd docetur, Confide in Dei misericordiam: non poteris damnari, etiamsi fueris adulter, homicida, vsurarius, &c.

Pessima igitur & erronea est hæc interpretatio, quòd fides viua sit sola illa fiducia nudæ misericordiæ, sine fundamento operum. ob id Paulus non sine causa primò ponit, quòd fides sit hypostasis, quando quis perfecit, quod Dominus iusserit, & deindè dicit quòd sit fiducia qua confidat se DEO placere, & grata esse Deo opera sua quæ fecerit. At obijciunt, hoc est docere, quasi ab operibus incipienda esset iustificatio & saluatio, & non à fide Christi, cùm tamen dicit Apostolus Hebræ. 11. omnem accedentem ad Deum credere. Respon. Fundamentum hoc fidei non separatur, neque diuiditur à fide, sed probat fidem

fidem esse viam & veram. Exemplum Christus docet Marc. 1. & dicit: Pœnitementi, & credite Euangelio: Hic Christus ponit fundamentum fidei pœnitentiam, deindè docet fidem. Nunquid non hic Christus incipit ab opere pœnitentiæ? sed nunquid etiam diuidit pœnitentiæ opus à fide? an non simul iungit, vt completa sit fides? Maximè. Nam fides non est nuda cogitatio, fiducia sine opere pœnitentiæ, sed est ipsa factio, præstatio officij. Non ergò à iustificante fide diuidi potest pœnitentiæ opus. Fac hoc, quod credis, inquit Augustinus, & fides est. Fides illa non est vera, sed mortua, quæ non habet hypostasim, id est, opera. Vbi diuiduntur opera à fide, quam Paulus per charitatem dicit operari, Gal. 5. Alioqui fides non est, id est, vera & iustificans.

Pessima igitur hæc est diuisio, qua primùm imaginamur, fidem solùm sine omni addito operũ apprehendere Christum & omnia simul cum eo, Roman. 8. Et si hoc verum est de fide iustificante, quæ pro fundamento habet pia opera, non tamè hæc fides, quam vulgus iactat, in nudam misericordiam absque omni dilectione &c. apprehendit Christũ sine & ante omnia opera &cæt. Regula est generalis, quòd virtutes sunt connexæ, & vna, fides sine charitate, timore, &c. non donatur. Nò sic diuidit spiritus sanctus virtutes theologicas, quæ sunt fides, spes, charitas, &c. Ideò fides cognoscitur penes charitatẽ, an sit vera & viua necne. Ideò Paulus 1. Corinthior. 13. Si habuero omnem fidem, non autem charitatem, nihil prodest. Fides ergò viua est præstatio officij: Et illa præstatio est fundamentum fidei, ex qua cætera opera superadificantur. Similitudo, quandò tibi aliquis promittit, se tibi daturum aliquid, tu credis illi, sed hæc fides habet fundamentum, quia cogitas & tenes illum pro viro veraci, honesto & probò, Ideò credis illi, tum fauorem habes ad illum. Quòd si ille non præstiterit

Ec 5 quod

quod promisit, nunquid hæc vera fides fuit? credidisti sine fundamento, & ille promisit sine fundamento veritatis: ergò fides est præstatio & factio operis, sic tu in baptismo promittis abrenunciationem Sathanae & pōpis eius, & voues hoc Deo: si hoc præstiteris, tunc est viua fides: sin autem, fides nullius efficacitæ est, quia caret fundamēto, & quia tu nunc vis confidere & credere sine fundamēto, an putas te aliquid impetraturū? Minimè, an hæc sit vera fides, absit

Maximè ergò derogat pijs operibus Luterana illa distinctio & separatio fidei à dilectione & illius operibus. Aut quia sola fides apprehendit totum Christum, & omnia cum illo, id est, iustificationem, gratiam, salutem, sine omni additione operum, &c. Et opera solùm sequi, vt testes & nihil facere ad iustificationem & salutem. Nam opera ipsa sunt fides, id est, si hoc facis quod credis, tunc viua & vera est fides: si pœnitentiam feceris, & credideris remissionem, hæc pœnitentiā est fides ipsa, & non res distincta à fide, & apprehendit iustitiam. Non igitur viua fides præcedit opera, si possibilitas adest: saltem est grauidam operibus, nihil præter tempus partus expectans, vt mulier initio quum concepit, est grauida & ad partum declinat. Sic initio fides, si vera est, grauida est operibus, quæ spiritus sanctus operatur & parit per dilectionem, Galat. 5. Luterana ergò fides est sine substantia, id est, sine fundamento operum. Ideò nuda illa fiducia, quæ superedificatur, est vana & falsa. cre didi, inquit Propheta, ideò locutus sum, Psalm. 115. Opera igitur tua, sunt tua fides. Non ergò separet ab opere fidem, hæc duo vna res sunt, &c.

DE FALSO INTELLECTV
huius verbi, *Gratis.*

TITVLVS XX.

Primò